



Na osnovu člana 19. Statuta Udruženja „Obrazovanje gradi Bosnu i Hercegovinu – Jovan Divjak“, izvršni direktor Udruženja raspisuje

K O N K U R S

za dodjelu stipendija djeci i mladima iz porodica šehida i poginulih boraca, ratnih vojnih invalida, demobilisanih boraca i civilnih žrtava rata, djeci i mladima sa invaliditetom, talentovanoj djeci i mladima, djeci i mladima romske nacionalne manjine te socijalno ugroženoj djeci i mladima koji se nalaze na redovnom školovanju u srednjim i visokoškolskim obrazovnim ustanovama u školskoj/akademskoj 2023/2024. godini (u daljem tekstu - korisnici)

Uslovi za prijavljivanje kandidata na konkurs:

- da je državljanin Bosne i Hercegovine
- da ima mjesto prebivališta na teritoriji Bosne i Hercegovine
- da redovno pohađa srednju školu/fakultet na teritoriji Bosne i Hercegovine
- da za školovanje ne prima stipendiju ili novčanu naknadu po drugom osnovu
- da ne obnavlja razred ili godinu

Odabrani korisnici obavezni su da:

- redovno pohađaju nastavu;
- učestvuju u prikupljanju dijela sredstava za sopstveno i stipendiranje drugih korisnika (članarina, prodaja kalendara, knjiga, razglednica i sl.)
- plaćaju godišnju članarinu u iznosu od 10,00 (deset) KM;
- u školskoj/akademskoj 2023/2024. godini ostvare najmanje 20 sati volonterskog rada i to za stipendiste iz Kantona Sarajevo - u Udruženju, odnosno, ukoliko stipendista živi/boravi van Kantona Sarajevo u ustanovi/organizaciji po sopstvenom odabiru;

Bodovanje kandidata vršit će se u skladu sa Pravilnikom o načinu i uslovima ostvarivanja prava na dodjelu stipendija djeci i mladima koji se nalaze na redovnom školovanju u srednjim, višim i visokoškolskim obrazovnim ustanovama (u prilogu ovog Konkursa).

Stipendije se dodjeljuju za period od deset mjeseci u školskoj/akademskoj 2023/2024. godini.

Stipendija za učenike srednjih škola iznosi 80,00 KM mjesečno.

Stipendija za studente iznosi 100,00 KM mjesečno.

Posebne stipendije za studente društvenog smjera (studiji ekonomije, političkih nauka, kriminalistike, civilne zaštite, geografije) i tehničkog smjera (studiji arhitekture, mašinstva, elektrotehnike) dodjeljuju se u saradnji sa kompanijom INZA group. Stipendija iznosi 200,00 KM mjesečno (za period od deset mjeseci) i podrazumijeva obaveznu praksu u prostorijama INZA group sa mogućnošću ostanka u radnom odnosu nakon studija.



Kandidati su obavezni, uz Prijavu na konkurs (Prilog 1), priložiti sljedeće dokumente:

- Uvjerenje o upisu u srednju školu/fakultet u školskoj/akademskoj 2023/2024. godini (original);
- Dokaz o uspjehu u prethodnoj školskoj/akademskoj 2022/2023. godini:
 - za učenike srednjih škola svjedočanstvo o završenom razredu u školskoj 2022/2023. godini (ovjerena kopija);
 - za studente prve godine studija – svjedočanstvo o završenom 4. razredu srednje škole u školskoj 2022/2023. godini (ovjerena kopija);
 - za studente druge i narednih godina studija – uvjerenje o položenim ispitima u akademskoj 2022/2023. godini (original ili ovjerena kopija);
- Prijava prebivališta (CIPS – ne starija od 30 dana);
- Kućna lista (ovjerena u općini);
- Potvrda banke o otvorenom transakcijskom računu **na ime kandidata**;
- Izjava o saglasnosti kandidata za javnu objavu rezultata konkursa (Prilog 2 – ovjeriti u općini);
- Izjava da kandidat ne prima stipendiju za školovanje iz drugog izvora (Prilog 3 – ovjeriti u općini);
- Za zaposlene članove domaćinstva – platna lista (od poslodavca) – ovjerena kopija,
- Za članove domaćinstva koji primaju starosnu, invalidsku ili porodičnu penziju – ček posljednje primljene penzije – ovjerena kopija,
- Za nezaposlene članove domaćinstva – uvjerenje od Zavoda za zapošljavanje ili Uvjerenje o ostvarenim oporezivim prihodima od nadležne Poreske uprave za prethodnih 12 mjeseci – original ili ovjerena kopija;
- Za kandidate bez jednog ili oba roditelja - dokaz o smrti (umrli list) - ovjerena kopija;
- Za kandidate čije domaćinstvo vodi samohrani roditelj – rješenje ili uvjerenje od nadležnog organa - ovjerena kopija;
- Za kandidate pod starateljstvom – rješenje ili uvjerenje od nadležnog organa - ovjerena kopija;
- Dokaz o redovnom školovanju ostale djece iz porodice kandidata - uvjerenje/potvrda od škole, odnosno fakulteta za svako dijete - original ili ovjerena kopija;
- Dokaz o stepenu invaliditeta kandidata – rješenje ili uvjerenje od nadležnog organa - ovjerena kopija – *obavezno za kandidate iz kategorije B*;
- Dokaz o stepenu invaliditeta članova uže porodice (roditelji/staratelji, braća/sestre) - rješenje ili uvjerenje od nadležnog organa - ovjerena kopija;
- Kandidati iz kategorije A - Dokaz o statusu člana porodice šehida i poginulih boraca, ratnih vojnih invalida, demobilisanih boraca i civilnih žrtava rata – rješenje ili uvjerenje nadležne općinske službe za boračko-invalidsku zaštitu - ovjerena kopija;
- Kandidati iz kategorije C – talentovani učenici srednjih škola i studenti obavezni su da prilože dokaze o ostvarenim rezultatima.
- Kandidati iz kategorije E - učenici srednjih škola i studenti pripadnici romske nacionalne manjine obavezni su da prilože potvrdu od lokalnog romskog udruženja ili izjavu ovjerenu u općini da je kandidat pripadnik romske nacionalne manjine.
- Dokaz o volonterskom radu (ukoliko postoji).

Konkurs se otvara objavom na društvenim mrežama i web stranici Udruženja „Obrazovanje gradi Bosnu i Hercegovinu – Jovan Divjak“.

Krajnji rok za podnošenje prijava je

- **za učenike srednjih škola do 15.09.2023. godine**
- **za studente do 20.10.2023. godine**

što potvrđuje datum na poštanskom žigu.



Izbor kandidata vršit će se komisijski, bodovanjem prema Pravilniku o načinu i uslovima ostvarivanja prava na dodjelu stipendija djeci i mladima koji se nalaze na redovnom školovanju u srednjim i visokoškolskim obrazovnim ustanovama, do 01.11.2023. godine.

Prijavu s dokazima o ispunjavanju uslova konkursa i traženim dokumentima dostaviti **isključivo** putem pošte na adresu:

Udruženje „Obrazovanje gradi Bosnu i Hercegovinu – Jovan Divjak“, Dobojska 4, 71000 Sarajevo,
s naznakom „Prijava na konkurs“ i slovnom oznakom pripadajuće kategorije kandidata:

- A (učenik/student iz porodice šehida i poginulih boraca, ratnih vojnih invalida, demobilisanih boraca i civilnih žrtava rata)
- B (učenik/student - osoba sa invaliditetom)
- C (talentovani učenik/student)
- D (učenik/student u stanju socijalne potrebe)
- E (učenik/student – pripadnik romske nacionalne manjine)

Prednost prilikom dodjele stipendije će imati kandidati koji su u školskoj 2022/2023. godini ispunili obavezu volonterskog rada.

**Neuredne, nepotpune i neblagovremene prijave neće biti uzete u razmatranje.
Dostavljena dokumentacija se neće vraćati kandidatima.**